

## პრომეთეს მღვიმე



### ბუნების ძეგლები იმერეთი

პრომეთეს მღვიმე – კარსტული მღვიმე დასავლეთ საქართველოში, წყალტუბოს მუნიციპალიტეტში. მდებარეობს მდინარე ყუმის აუზში, ზღვის დონიდან 100 მ-ზე. თბილისიდან დაშორებულია 240 კმ, ხოლო ქუთაისიდან 40კმ. გამომუშავებულია ქვედაცარცულ კირქვებში. ტურისტული მარშრუტის სიგრძეა 1060 მ. აღმოჩენილია 16 დარბაზი. მღვიმე მდიდარია სხვადასხვა სახის წარმონაქმნებით: სტალაქტიტები, სტალაგმიტები, ჰელიქტიტები, ფარდები, გაქვავებული ჩანჩქერები, მღვიმური მარგალიტები, პიზოლითები, მიწისქვეშა მდინარეები, მიწისქვეშა ტბები და სხვა. კარგი ტურისტული ობიექტია. მღვიმე კეთილმოწყობილია; არის საფეხმავლო ბილიკები, ხელოვნური განათება, ლაზერ-შოუ, სხვადასხვა ხედები და თერაპია ასთმით დაავადებული ადამიანებისათვის.